

Composición histórica: **A crise da Restauración** (ata 5 puntos)

Moi deficiente (0-1)	Resposta en branco (0) A resposta é unha paráfrase dos documentos (1)
Deficiente (1,5-2)	Contidos: Xeneralidades sobre a época (1,5) Uso dos documentos: a resposta prescinde dos documentos, expónse como a resposta a unha pregunta teórica (2) Redacción: texto no que abundan as imprecisións, palabras inventadas, frases incoherentes ou mal articuladas
Aprobado (2,5-3)	Contidos: -Contextulizar a crise da Restauración no reinado de Afonso XII. -Referencia xenérica ao “desastre do 98” (perda das últimas colonias) e á corrente rexeneracionista xurdida a raíz do mesmo. -O crecente papel do exército na vida política visible a través da Lei de Xurisdicións de 1906. -A oposición ao sistema da Restauración por parte do movemento obreiro debido fundamentalmente á mobilización de reservistas na guerra de Marrocos e á súa marxinação do sistema político. Uso dos documentos: os documentos cítanse na redacción Redacción: texto formalmente correcto, pero expresión demasiado simple
Notable (3,5-4)	Contidos (ademais do esixido para o aprobado, afondar no comentario nalgunha destas cuestións): -O <i>rexeneracionismo</i> : análise dos males que afectaban ao país, propostas de modernización e principais representantes. -As críticas ao exército logo do “desastre do 98” e a súa viraxe cara posturas cada vez máis conservadoras erixíndose como garante da unidade da patria (fronte aos nacionalismos, sobre todo catalán) e da orde social (fronte ao auxo do movemento obreiro). -A guerra en Marrocos como estratexia políticomilitar para recuperar o prestixio internacional despois do “desastre” e os seus efectos nas clases populares: mobilización de reservistas e Semana Tráxica de Barcelona de 1909. Uso dos documentos (ademais do esixido para o aprobado): -A resposta analiza parte do contido dos documentos: o papel de Joaquín Costa como representante do rexeneracionismo (doc.1), a defensa do prestixio do exército español na lei de Xurisdicións (doc.2), a oposición do PSOE á guerra de Marrocos e á mobilización de reservistas (doc.3). Redacción: correcta e texto coherente

Sobresaliente (4,5-5)	Contidos (ademais do esixido para o notable, no comentario recóllense unha ou varias das seguintes cuestións): -Relaciónase a lei de Xurisdicións coas publicacións na revista satírica catalá Cu-Cut de 1905. -Cítanse outros factores explicativos da crise da Restauración: fraccionamento e descomposición dos partidos dinásticos a inicios do século XX, o auxe do republicanismo, o desenvolvemento dos nacionalismos -sobre todo catalán (Solidaritat Catalana)-, o incremento da conflictividade social e da oposición de socialistas e anarquistas, as sucesivas derrotas militares na ocupación do norte de Marrocos... -Noméanse algunhas das reformas desenvolvidas polos líderes dos partidos dinásticos (Maura –conservador- e Canalejas –liberal-) para superar a crise e sanear o sistema da Restauración. Uso dos documentos (ademais do esixido para o notable, analizar en profundidade algún dos documentos): -Doc.1: Salientar a preocupación dos rexeneracionistas ante a incapacidade da clase dirixente de modernizar o país e sacalo do seu atraso con respecto de Europa. -Doc.2: Referir o apoio do rei aos militares e a defensa que o exército fai dos seus intereses como corpo. -Doc.3: Relacionar o contido deste documento cos sucesos da Semana Trágica de Barcelona de xullo de 1909. Redacción: correcta e precisa, facendo uso do vocabulario específico. O texto está ben articulado e argumentado
----------------------------------	---

Composición histórica: **A crise de 1917, os gobernos de concentración e a guerra de Marrocos** (ata 5 puntos)

Moi deficiente (0-1)	Resposta en branco (0). A resposta é unha paráfrase dos documentos (1).
Deficiente (1,5-2)	Contidos: Xeneralidades sobre a época (1,5). Uso dos documentos: a resposta prescinde dos documentos, preséntase como a resposta a unha pregunta teórica (2).
Aprobado (2,5-3)	Contidos: -referencia básica a crise de 1917 e os seus compoñentes principais: crise militar, política e social -a descomposición do sistema de quendas -a quebra do réxime da Restauración tras o desastre de Annual Uso dos documentos: os documentos cítanse na redacción.
Notable (3,5-4)	Contidos (ademais do esixido para o aprobado): -explicar a crise política: a clausura das Cortes e a convocatoria da Asemblea de Parlamentarios polo líder da Liga Rexionalista catalá -sinalar algunha característica da folga xeral de 1917 -explicar algunha das consecuencias sociais e políticas da conflitividade: a expansión do pistolerismo, a descomposición dos partidos dinásticos -referirse a algún aspecto da evolución da guerra de Marrocos: o protectorado español, a guerra no Rif, a derrota de Annual e o seus efectos Uso dos documentos. A resposta analiza parte do contido dos documentos: os obxectivos da Asemblea de Parlamentarios (doc. 1), os protagonistas da folga de agosto de 1917 e as súas peticións (doc. 2), o impacto político da derrota de Annual. Redacción: correcta.
Sobresaliente (4,5-5)	Contidos (ademais do esixido para o aprobado e o notable): -sinalar a importancia do contexto internacional na xestación da crise (Primeira Guerra Mundial e os seus efectos) -facer referencia a outras vertentes da crise: a crise militar e a creación das Xuntas de Defensa

	-valoración xeral da problemática analizada Uso dos documentos: -a resposta afonda na ideoloxía da Asemblea Constituinte (doc. 1) -a resposta ten en conta a autoría do manifesto e a quen vai dirixido (doc. 2) -a resposta ten en conta a orixe do texto (un discurso parlamentario) e a personalidade que o pronuncia (o deputado socialista Indalecio Prieto) Redacción: correcta e precisa, o texto está ben argumentado.
--	---

Definición do termo **Directorio Militar**(ata 0,5 puntos)

Suspenso (0-0,1)	Resposta en branco ou que revela a incompreensión do concepto
Suspenso (0,15-0,2)	Resposta confusa ou incompleta
Aprobado (0,25-0,3)	Resposta básica: -primeira etapa da Ditadura de Primo de Rivera -caracterizada por un goberno integrado exclusivamente por militares
Notable (0,35-0,4)	Resposta con algunha destas aclaracións adicionais: -goberno formado tras o golpe de estado de 1923, durante o reinado de Afonso XIII -O Directorio militar estaba presidido polo xeneral Miguel Primo de Rivera -governou por decreto, tras a clausura das Cortes -entre os seus principais obxectivos estaba poñer fin á guerra de Marrocos Redacción: correcta.
Sobresaliente (0,45-0,5)	Resposta con algunhas precisións a maiores, ben expostas e axustadas: -o Directorio estaba datado entre 1923 e 1925 -o goberno caracterizouse pola restrición de dereitos e liberdades e a represión do movemento obreiro -puxo fin á guerra de Marrocos mediante o desembarco de Alhucemas en 1925

	Redacción: correcta e ben exposta.
--	---

Definición do termo Desastre de Annual

Suspenso (0-0,1)	Resposta en branco ou que revela a incompreensión do concepto
Suspenso (0,15-0,2)	Coñecementos: resposta confusa ou incompleta Redacción: texto no que abundan as imprecisións, palabras inexistentes, frases incoherentes o mal articuladas
Aprobado (0,25-0,3)	Coñecementos: resposta básica que fai referencia ao seguinte: -Derrota sufrida polo exército español ante os rifeños en 1921 durante a guerra de Marrocos. Redacción: texto formalmente correcto, pero expresión demasiado simple
Notable (0,35-0,4)	Coñecementos: resposta con polo menos unha destas aclaracións adicionais (ademais do esixido para o aprobado) -Supuxo grandes perdas territoriais e numerosas baixas no exército. -As cabilas rifeñas estaban dirixidas por Abd-el-Krim, -As operación do exército español foron planificadas e executadas baixo o mando do xeneral Silvestre. - Este desastre provocou un forte impacto na opinión pública española e agudizou a crise da Restauración. - Redacción: correcta
Sobresaliente (0,45-0,5)	Coñecementos: resposta con polo menos unha destas precisións a maiores (ademais do esixido para o notable). -O goberno organizou unha comisión de investigación do sucedido dirixida polo xeneral Picasso. -Os rifeños fixéronse co control da zona proclamando a independencia da República do Rif. -Acentuou o desprestixio do exército e do propio monarca, Afonso XIII, a quen se lle atribuíu parte da derrota.

	-Foi causa directa do golpe de Estado e da ditadura de Primo de Rivera en 1923. Redacción: correcta, argumentación coherente e vocabulario axeitado. Capacidade de síntese: a resposta non excede a extensión recomendada.
--	--